



UNIVERSITÄTS-  
BIBLIOTHEK  
PADERBORN

## **Ekklēsiastēs Solomōntos Emmetrōs Metaphrastheis**

**Dolscius, Paul**

**Lipsiæ, 1559**

**VD16 B 3639**

Illvstrissimo Et Reverendissimo Principi Ac Domino Domino Sigismvndo,  
Archiepiscopo Magdebvrgensi, Primati Germanię, Administratori  
Halberstatensi, Steinensium, Pomeranię, Cassubiorum, Sclauorum, & ...

---

[urn:nbn:de:hbz:466:1-69711](https://nbn-resolving.org/urn:nbn:de:hbz:466:1-69711)



ILLVSTRISSI  
MO ET REVERENDIS-  
SIMO PRINCIPI AC DOMINO  
DOMINO SIGISMUNDO, ARCHI-  
EPISCOPO MAGDEBURGENSI,  
Primate Germaniæ, Administratori Hal-  
berstatensi, Stetinensium, Pomeraniæ,  
Cassubiorum, Sclavorum, & Crosnæ in  
Silesia Duci, Burggrauio Noribergen-  
si, & Principi Rugianorum,  
Principi ac Domino  
suo clementiss.  
S. D.



Xtant Ciceronis de na-  
tura Deorum libri ele-  
ganter & copiose scrip-  
ti, in quibus autor di-  
sputationem hanc Phi-  
losophicam, quam ipse  
met & obscuritatis ple-  
nam, & explicatu perdifficilem esse fate-  
tur, in tria membra diuisam pertractat.  
Primum, utrum Dij sint nec ne. Deinde  
quales sint, gubernatores ne mundi, &  
rerum omnium procuratores, an uero

A 2 ociosi



ociosi tantummodo eorum, quæ casu ita,  
& temerè fiunt, spectatores. Postremo  
utrum rebus humanis consulant, prouideantque, an uero nulla prorsus hominum  
cura afficiantur, recitans uarias & pug-  
nantes inter se Philosophorum opinio-  
nes, quorum aliqui & esse Deos sense-  
runt, & res humanas moderari, alij nul-  
los omninò esse, non etiam nulli esse qui-  
dem aliquos, sed res humanas negligere,  
nihilque eorum quæ in mundo fiunt admi-  
nistrare, sed ab omni rerum procuratio-  
ne & regimine uacuos esse, non solum  
arbitrati ipsi, sed etiam alijs impiè persua-  
dere conati sunt. Etsi autem ut Cicero  
saniorum, eorumque magnorum, & nobi-  
lium Philosophorum sententiam ample-  
xus, immò uero rationis lumen secutus,  
uerissimis argumentis eiusmodi Epicu-  
reorum deliramenta refutat, & diuinæ  
prouidentiaë testimonia colligit, sumpta  
primum à natura ordine, & motu corpo-  
rum cœlestium, deinde ab ijs quæ terra  
in usum animantium, maximè uero ho-  
minum uberrima quotannis fœcundita-  
te procreat, tum ab ipsa hominis fabrica-  
tione & structura, tanto artificio ab ar-  
chite-



chitecto & conditore rerū omnium Deo  
efformata, ut ne minima quidem parti-  
cula in hoc μικροκόσμῳ sit, quæ non ad cer-  
tam utilitatem spectet: ita cum hoc pul-  
cherrimum mundi theatrum, tum uero  
alia plurima diuinæ præsentiā indicia,  
mentibus humanis in prima conditione  
impressa, homines non uasanos, aut pror-  
sus à diabolo excæcatos conuincunt, ut  
& esse Deum, & moderari omnia fatean-  
tur, πάντῃ ὄντα, ἢ πάντα βλέποντα, & ut iu-  
dicem omnium humanarum actionum,  
& scelerum uindicem δικάζον εἰδόντα, καὶ  
ἐκδικοῦ ὄμμα ἔχοντα pertimescant: tamen  
cum multæ etiam in uita, ex cæ tristissimæ  
sint rerum confusiones, cum similes non  
raro sint bonorum malorumq̄ ærumnæ,  
sitq̄ non solum ἐνδ' ἡ τὴν ἡμέραν κακὸς ἢ ἐν καὶ  
ἐσθλός, sed etiam cum ἡσδὲμ miseris uter-  
q̄ conflictetur, Imò uero homines deter-  
rimi opibus interdum affluant, & honori-  
bus atq̄ dignitate floreat, oppressis in-  
terea his, quorum mores integerrimi, mi-  
nimeq̄ reprehensione digni esse uiden-  
tur: usu uenire solet ἡσ qui causas huma-  
narum calamitatum uel ignorant pror-  
sus, uel parum diligenter considerant, ut



fortunam solummodo in rebus humanis  
dominari, atq; ita temere & existere om-  
nia, & rursus interire censeant, epicure-  
orum more se presentibus uoluptatibus,  
manifesta cū turpitudine coniunctis ob-  
lectantes, & deridentes alios, qui & ui-  
tandus lapsus contra conscientiam, &  
Deo placentia facienda esse, & factorum  
hunc humanorum omnium post hanc ui-  
tam iudicem futurum esse, nequaquam  
προσωποληψόντα asserunt. Tales uere άφρο-  
νες διεφθαρμένοι, η βδελυχθέντες εν επιτηδύμα-  
σι αυτων ut Psalmus inquit, και τυφλοι τα  
ωτα, τον τον ενδρ, τα τ' ομματα secundum Tra-  
gœdiam, etsi omnibus temporibus per-  
multi ubiq; reperiuntur, qui non paucos  
suo exemplo corrumpunt: Pios tamen,  
qui & causas ex cœlesti doctrina didice-  
runt humanę rationi occultas, cur tot tan-  
tisq; calamitatibus genus humanum ob-  
noxium sit, & pœnas scelerum, etiamsi  
longo tempore differantur, sine omni du-  
bitatione secuturas norunt, nequaquam  
illis assentiri, nec successibus malorum,  
aut ærumnis bonorum, quantumuis tri-  
stibus spectaculis moueri decet, ut de pro-  
uidencia, & gubernatione rerum huma-  
narum



narum diuina dubitent, διαπορῶντες περὶ  
αὐτῆς, ἢ μεμφομένοι, quando euentus confi-  
lijs non respondent, ut post pugnam Phar-  
salicam accepta clade Pompeium fecisse  
Plutarchus memorat: sed potius infixam  
mentibus tenere futura illius δικαιοκρίσιας  
expectationem, in qua euidentissimum  
Deus, & perpetuum, coram sanctis ange-  
lis suis, inter bonos malosque, fideles dico  
& infideles, discrimen facturum, & illis  
quidem promissam æternæ beatitudinis  
possessionem donaturus, hos uero ut θε-  
οσυγῆς, κατάρατες, ἢ βδελυκτοὺς à facie sua  
repulsos in æternos cum Diabolis, Spiri-  
tibus immundis & blasphemis, cruciatus  
est abiecturus. Hanc salutarem, & ad ex-  
uscitandos animos ad pietatem, atque ti-  
morem Dei necessariam doctrinam, eti-  
am hic Ecclesiastes, seu concionator Sa-  
lomon in hoc suo libello, qui non minus  
quam Theodreti orationes, λόγος περὶ  
προνοίας inscribi debebat, præcipue tradit,  
subinde eam grauissimis sententijs illu-  
stratam repetens, & obiectiones eorum  
refutans, qui res humanas ideo fortunæ  
alex subijciunt, & ab administratione ear-  
um mentem diuinam remouent, quod



sæpenumero similes bonarũ malarumq̃  
actionum euentus sint, & non etiã nun-  
quam improbi meliore quã boni con-  
ditione, & loco esse uideantur. Adiun-  
ctis dulcissimis consolationibus, quibus  
pios ad opera uocationis suę exhortatur,  
& languidos eosdem ad labores in ea su-  
stinendos, uel cum periculis coniunctos,  
uel nullam prorsus utilitatem præ se feren-  
tes excitat. Et comminationibus tristissi-  
mis, quibus impijs, quantumuis in hac ui-  
ta potentibus, & securis, pœnas suas ine-  
uitabiles prædicat. Hęc doctrina quan-  
quam harum concionum quasi caput &  
precipuus scopus est: tamen & multæ a-  
liæ præclaræ, exq̃ insignibus figuris arti-  
ficiosissime exornatæ ὑποθήκαι hic tradun-  
tur, de officio boni magistratus οὐ δημοβό-  
ρος, in tutela ac defensione agriculturæ,  
hoc est protegendis non exhauriendis  
subditorum facultatibus, de constituen-  
dis iudicijs, περὶ ἐπιτελείας, & uicissim de ad-  
hibenda seueritate in puniendis atroci-  
bus delictis, & peccatis enormibus, de  
non audiendis sycophantis, de obedi-  
tia subditorum magistratui debita, de nõ  
mouendis seditionibus, de patientia, de  
coercen-



coercendis cupiditatibus, de frenanda  
ira, de uitandis calumnijs & obtreccatio-  
nibus, quibus nihil hodie usitatius est, de  
beneficentia, etiam si ij quibus beneficia  
praestantur nullam omnino gratiam re-  
laturi esse uideantur, de uero & laudabi-  
li diuitiarum usu, in declinatione sordi-  
um, & uitanda, contrario his uicio, prodi-  
galitate. Quarum sententiarum etsi simi-  
les etiam apud Ethnicos autores, Pinda-  
rum, Hesiodum, Theognin, Phocylidem,  
Pythagoram, & alios inueniri non igno-  
ro: tamen Salomon plus in his suis con-  
cionibus docet quam illi omnes, cum no-  
solum praecpta politica & oeconomica  
tradat, sed ueram etiam de Deo doctri-  
nam, uoce eius generi humano patefa-  
ctam, no humana sapientia excogitatam  
audiri praecipiat, damnans stulticiam eo-  
rum, qui neglecto uerbo Dei celebra-  
dis tantummodo sacrificijs, & offerendis  
uictimis, cultum se illi gratum praestare  
opinantur. Qua de re scriptores ethnici  
*ξένοι ἢ διαθηκῶν τῆς ἐπαγγελίας* secundum  
Paulum, nec docuerunt, nec docere potu-  
erunt quicquam. Has ob causas cum hic  
libellus lectu dignissimus sit, non in-

A s gratam



gratam hanc meam ἑμμετρον eius μετὰ φρα-  
σιν illis, qui studium græcarum literarum  
cum pietate coniungunt, futuram confi-  
do. Quam quidem ideo tuæ Cel. offerre,  
& sub auspicio nominis tui, Illustriss. &  
reuerendiss. Princeps in lucem mihi ede-  
re uisum est, quod cum multis in locis de  
officio boni magistratus autor concione  
tur: tum uero initio statim harum concio-  
num semetipsum Regem & Ecclesia-  
sten nominans, suo exemplo te tuiq; simi-  
les alios, ad Ecclesiæ & Reipub. guber-  
nacula diuinitus collocatos, salutare &  
laude dignos principes, & Ecclesiastici  
& Politici officij commonefacit, nec mu-  
nus solum regendæ magnæ hominum  
multitudinis, cōseruandæq; publicæ tran-  
quillitatis, sed etiam curam uobis tuendi  
Ecclesias, Scholasq; commendat, in qui-  
bus cœtus sint docentium & discipulorum  
ueram de Deo, cultuq; illi accepto do-  
ctrinam, expolis inde, & abolis omni-  
bus commenticijs, & cum sinceritate di-  
uinitus patefactæ ueritatis pugnantibus,  
cultibus supersticiosiis & idololatricis.  
Quam curam ut ab ineunte ætate ad pie-  
tatis studium assuefactus, & salutari do-  
ctrina



Strina à clarissimo uiro eruditione, uirtu-  
te & sapientia præstanti M. Paulo, Præ-  
torio excultus à tuo officio non alienam  
esse agnoscis, & magna cum laude mul-  
torumq; cum approbatione suscipis: ita  
DEVM oro per filium suum unicum no-  
strum saluatorem IESVM CHRISTVM,  
ut conatus tuos pro immensa sua miseri-  
cordia, ad gloriam nominis sui sempiter-  
nam, adiuuet, tuamq; gubernationem nõ  
solum Reipub. utilem, sed etiam Ecclesie  
salutarem efficiat. Quod reliquum est re-  
uerenter à t. Cels. peto, ut opellam hanc  
meam, quam & uersioni harum concio-  
num & elegijs de natiuitate, passione, &  
resurrectione τῶ λυτρωτῶ, quasi auctarioli  
& appendicis loco in fine adiectis im-  
pendi, boni consulat, meq; sibi commen-  
datum habeat. E Salinis tuis Saxonicis  
ad ripam Salæ, Anno Virginei partus  
1559.

T. Celsit.

addictissimus

Paulus Dolscius.